

AITA MUNDIALA!

1

Ene Aita Jainkoa
Aitarik onena,
nire asiera ta
nire azkena.
Zeuretzat egin nozu,
au da zoramena!
Au jakin eta zelan
naiteke kondena?
Aitarik aitena,
ona ta zuzena,
emoidazu sena
seme onarena.
Bedeinkatua bedi
zure Izena!

3

Ez da munduan entzun
olako dotrinik,
Jesusen Barri onak
ez dau bardinik.
Aitaren esana ta
gogoia eginik,
nor da Jesus ainako
aitazulo finik!
Ez zan nekeminik,
gurutze, saminik
Jesusek ekinik
eroan ezinik...
Aitatxo bere alde
dala jakinik.

2

Ze bake ta zorion
Aitaren onduan,
leku obeagorik
ez da munduan.
An da zoriona, Zu
zagozan lekuan,
Zu gure poz-iturri
orain ta zeruan.
Zu gure barruan
eta inguruan,
maitasun beruan,
arremon estuan.
Gure etorkizuna
zure eskuan.

4

Jainkoa Aita dala
fedez dakigunez,
orrek betetzen gaitu
askatasunez.
Bidean lagun dogu
argiz ta ilunez,
bere eskuan gagoz
gauetz ta egunez.
Aitari entzunez
eta erantzunez,
bizi-poztasunez
lanari jardunez.
Bizi gaitez an beti
maitetasunez.